

## Фикр дурдоналари (27-қисм)



09:26 / 13.04.2017 4374

**136.** Халқ сенинг зоҳирингга қарайди. Холиқ сенинг ботинингга назар солади. Шундай экан, одамлар қарайдиган жой (ташқи кўринишинг)ни зийнатлаб, Аллоҳ жалла жалалуху назар соладиган жой (қалбинг)ни қабих қилишдан эҳтиёт бўл!

**137.** Кимнинг гуноҳлари кўп бўлса, одамларга сув улашсин. Аллоҳ таоло чанқаган бир итга сув берган бандасининг гуноҳларини кечирган. Энди мўмин одамга сув берган киши ҳақида нима деб ўйлайсан?!

**138.** Эҳтимол, золим зулм билан кўп нарсага эга бўлар. Лекин мазлумнинг дуоси билан ҳамма нарсасидан ажралади.

**139.** Афсуски, баъзилар бошқалар ҳақида ёмон гумон қилишни "зийраклик", "закийлик" деб эътибор қилишга одатланиб қолишган. Ёдингизда тутинг: ЁМОН ГУМОН - БОШҚАЛАР БИЛАН БЎЛАДИГАН АЛОҚАНГИЗНИ ЎЛДИРУВЧИ (УЗУВЧИ) КАСАЛЛИҚДИР.

**140.** Табиблар инсон жисмига виждондан ташқари ҳамма нарсани экиш борасида муваффақиятга эришдилар.

Қуйидаги маълумотлар фейсбукдаги “Роваиъул фикр” (Фикр дурдоналари),  
“Ховатир роқия” (Салмоқли фикрлар) каби саҳифалардан олинган.

**Нозимжон Ҳошимжон** таржимаси